



Im Juli 2008

ASF Ditzenbacherstr. 26, 73342 Auendorf

# Ladbrieaf

Om alles, was ist ao dees für a Qualm?  
Do, über d'Häuser nom, middle em Fleck!  
Es wird doch et brenna en Auendorf, am hella Morga scho?

Ach, Klärle, mr merkt, dass du net hiasich bist.  
Ond dass mr bei dir dr'hoim koi Bachhäusle hot.  
Narr, do qualmt halt s'Kamee, scho seit am sechse.  
Dia bachet heit was bloß hebt!

Wer isch denn „dia“, wen moinsch jetzt du do?  
Ond warum müäbet se bacha, was hebt?

Hosch denn dia knallige Schilder net g'seha, beim Herfahre?  
Sommerfescht isch am Samschtich ond Sonntich!  
Do schaffet dia Frau vorher von morgnets bis nachts,  
dass g'nuag Brot geit zum Veschpera für'd Gäst.

Sag bloß, ihr hent no so viel Leit, wo des ao kennet?  
Ehrlich, i hätt koin Schemmer, wia-n-es macha müäbt...  
Des Holzfeuer, wia mr's en Schwung brengt  
ond dia Loib, wia mr's en Form bringt...

Jo, mr braucht a Händle drfür, ond Üebong, des stemmt.  
Ond en rechtschaffena Doig, ond s'richtige Werkzeug:  
A Bachg'schirr ond an Besa, an Hudelwisch ond a Gruck,  
a graoße Schüssel ond a Schapf.....

Halt, dua langsam, I komm nemma mit, jetzt nomol,  
ois oms andere.....dass i ao ebbas lern.....

Ach, gang mr weg, vom Schwätza alloi lernsch do nix.  
Mitmach muasch! No komm halt morga früh em sechsa,  
do lasse mr da Mütschelesdoig a, do kosch  
beim Helfa ebbas lerna, no gibt's a Stück...  
mit de Händ em Doig wirsch's scho begreifa...

Ei'verstanda, i komm!  
Aber net bloß zum Bacha! Zom Feira ao!

Ihr  
gemischter Chor

Karl Straub

Ihre  
Schützengesellschaft

Ralf Doll

Ihre  
Ev. Kirchengemeinde

Johanna Raumer, Pfarrerin